

中国公共图书馆古籍文献珍本汇刊·史部

明抄本万历起居注



中国公共图书馆古籍文献珍本汇刊·史部

明抄本万历起居注(十一)

全国图书馆文献缩微复制中心

明抄本万历起居注目录（十一）

万历二十九年上	一
万历二十九年下	二九
万历三十年上	五七
	五

萬曆二十九年正月



大學士沈一貫

題恭遇

元旦令節禮當

慶賀奉

旨傳免竊念臣備員輔弼受

恩深厚與在廷諸臣不同犬馬私衷不能自己臣謹


于本日恭詣

仁德門行五拜三叩頭禮稱祝

聖壽以少伸臣子慶忭之誠訖謹具題以

聞

長日大學士題恭奉



聞 是日大學士趙志臯

題恭遇

元旦令節禮當

慶賀奉

旨傳免竊念臣備員輔弼受

恩深厚與在廷諸臣不同理宜同次輔恭詣

仁德門行禮緣在在告謹於是日恭設香案於私

寓令人扶掖行五拜三叩頭禮稱祝

聖壽以少伸臣子慶忭之誠訖謹具題以

聞

以

正旦令節

頒賜二輔臣上尊珍饌

又

特賜次輔燒割一分酒飯一卓

三日壬寅以

立春令節

頒賜二輔臣上尊珍饌

五日甲辰大學士沈一貫

題新春序入

典禮將行又當會試

殿試之年有考試讀卷等事一一繁重皆宜備官
而首輔在告既難強起臣愚一身不給任使伏
乞

皇上將屢推閣臣

特賜簡命幾員以供承弼典試之用其禮部堂上止

有右侍郎朱國祚一員亦難展轉併乞

檢吏部所推禮部尚書侍郎各本咸

點一員以充厥任庶幾衆職有供而

典禮無廢緣時日近迫職掌攸關不敢不摛其緊

要者冒

顏以請惟

皇上重念而亮允臣不勝幸甚伏候

勅旨

九日戊申大學士趙志臯沈一貫

題恭遇平播功成布告天下臣等撰擬

詔書於本月初六日

進呈伏請

聖明裁定未蒙

批發照得

詔書頒布例該二十七道非一時倉卒所能繕寫十

一日當用

寶隨即封

奏十二日下十三日百官拱候

開讀

頒給逐日挨次更無寬餘若不催請誠恐臨期有悞

伏乞

速賜批發臣等不勝跂望之至

十三日壬子

上御午門樓以平播功

詔天下
詔曰朕嗣承歷服式奉先猷欲人並生庶幾不擾八
年以來俄煩甲兵賴
天地

廟社之靈將相臣民之力內攘外卻無損國威然彼
皆文告不來自投屢鑿朕甚憫之非為快也惟
此播州故有楊氏為夷長率受我冠裳子孫之
仍藉有年朝廷之覆露良厚夫何其末曹應龍
者安忍無親大逆不道當其嬖寵成嫡淫刑禍
民毒痛一方凶殘七姓國人皆曰可殺朕心不

忍加誅因其漢官疆以戎索曲從贖死為德甚
 弘而乃下愚不移肆行無忌敢為嫚辱妄意荐
 窺既逋重慶之囚遂決跳梁之志收藏亡命構
 煽苗夷震駭兩川恫疑四海朕猶時覃在宥未
 即移師而賊顧因撫成驕因驕成亂內則僭越
 王章無復人臣之禮外則矜詡物力有輕中國
 之心掩不備于綦江梗道塗于湖貴為臣若此
 孰其堪之夫帝王之道推亡固存邇來東西之
 故胡不聞焉是用一勞師徒四徵饋餉天休人
 力涌霧屯雲發蜀楚黔滇土著之兵下秦晉吳

楚如林之甲婁山崖門之隘平地九衢涓潭河
渡之深崇朝一葦狡徒鼠竄偽社颺焚穴擣塗
窮登高塞向猶自謂重關百仞可敵萬夫困獸
千群堪資一戰豈知天心既吐地險何憑死關
不能詐降不可百道圍而鳥飛絕九攻合而蹇
兔啼突士盡而鼓聲哀騷歌悲而豔妻訣夫應
龍以極惡就經一死安贖是命判屍傳首龔天
嚴誅其妻孥黨與七十餘人檻來闕下重者分
裂輕者鉗奴自餘在播者下傳近獄有司報治
千年守土一旦立墟伊誰實然豈朕之意於戲

漢封遠矣代有棄置蠻夷君長人安與安惟虔
劉無度予一人實不忍于赤子亦明天地雖廣
日月無私穢無遠而不疏惡無微而可蘊苟有
昏暴淫虐篋常亂紀朕雖欲赦如天弗容其明
告中外有土有身視為前車各戒爾後氛慝初
消瘡痍未起師之所處荆棘生焉邑里蕭條哀
此斃獨凡蜀楚滇黔有因用兵加派錢糧及一
切可緩積逋若註誤輕條並令所司酌量蠲宥
救乏振滯蕩滌煩苛咸與維新安生樂業布告
中外俾共聞知

十六日乙卯大學士沈一貫

題照得今年二月當會試之期舊例

命閣臣一員主考今首輔病已危篤止臣一員直閣
無可承遣又禮部舊例諛知貢舉官二員一員
入場供事一員在部掌印今止有右侍郎朱國
祚一員不免顧此失彼其殿試事務尤係內閣
專職往時閣臣四五員分理尚恐不給今臣一
身豈能獨辦亦恐禮部之難拮据也且今

冠婚

冊立

大典將成備禮備官需人尤急臣于本月初五日

上揭恭

請久候未下輒敢不避煩瀆乞

皇上親簡閣臣數員以資贊襄并于吏部會推本內
點禮部尚書侍郎各一員以充任使不勝惓惓
臣素嬰多病近益衰殘年間屢告實非得已今

月初十日詣

午門前謝假俄觸風寒即發痰暈又汗又吐又下

一時並集移時方省扶掖還家調理緣係

令節不敢奏

聞至十三日因頌

詔慶典強供出事今猶日眩耳鳴不耐辛苦

君恩山重

聖眷天隆委身鞠躬自臣分詛但恐力窮智竭債轉

覆鍊憂不細也既無所推避又無所控祈且係

迫切緊要之際安得不哀請于

君父之前惟冀

聖慈俯留片晌之神不惜隻字之重

命官分治以亮天工庶幾臣亦得藉手以報

鴻恩之萬一也臣無任瞻望之至

十八日丁巳大學士沈一貫

題談刑部等衙門一本為糾劾事因天下大小官
負來朝擬于二十三日舉大班糾劾之典臣惟
朝

觀考察

國家大事既以黜陟寄之部院慎評薦而明至公

又以糾劾揚之

大廷飭訓辭而昭

聖意不過一臨蒞一戒諭而激勵人心之大機實於

在此自頃以來